

Համառօտ ակնարկ Նոր Զուգայի Ամենափրկիչ վանքի Շրջափակում գտնուող տապանաքարերի վրայ

Լ. Գ. ՄԻՆԱՍԵԱՆ

Նոր Զուգայի ազգային դերեգմանատունը, չուրջ չորս հարիւր տարուայ իր անցեալով, եւ աւելի քան 50 հազար տապանաքարերով ու 288,175 քառկ. մեթր տարածութեամբ, ներկայացնում է մի բացօթեայ թանգարան:

Այնտեղ թաղուած են հայ խոջաներ ու յայտնի վաճառականներ, հայ աշուղներ ու մտաւորականներ, հայ արհեստաւորներ ու արուեստաւորներ, առաջնորդներ ու հոգեւորականներ. կոյսեր ու մայրապետներ, նահատակներ, ինչպէս եւ հարիւրաւոր եւրոպացիներ, դեսպաններ ու քաղաքական դործիչներ:

Նոր Զուգայի նոր ու վաւերական պատմութիւնը գրելու համար, անհրաժեշտ է ուսումնասիրել այս տապանաքարերի արձանագրութիւնները, որոնք իրենց մէջ պահում են դարաւոր անցեալը. իսկ նրանց տակ ննջում են Նոր Զուգայի փառաւոր անցեալի պատմութիւնը կերտող յաւէտ անմոռաց անձնաւորութիւնները:

Ահա այս դարաւոր անցեալը երեւան բերելու համար, հայերից բացի, բազմաթիւ եւրոպացիներ իրենց հեռաւոր ազգակիցներին գտնելու յոյսով, փնտռուքի են ելնում այս լուռ ու անխօս տապանաքարերի մէջ:

Անհրաժեշտ է աւելի երկար կանգ առնել Նոր Զուղայի գերեզմանատան, կամ՝ ըստ տեղական արտայայտութեան, հանգստարանի վրայ, որ յոյս ունենք այլ անգամ առիթ կ'ունենանք: Ներկայիս մեր խօսքը վերաբերում է Նոր Զուղայի Ամենափրկիչ վանքի շրջափակում գտնուող տապանաքարերին:

Բացի ազգային եւ ընդհանրական այս գերեզմանատանից, որի մասին նշեցինք վերեւում, Նոր Զուղայում գտնուող մէկ տասնընեակից աւելի եկեղեցիների շրջափակերում եւս կան հարիւրաւոր շիրիմներ, որոնք պատկանում են եկեղեցու հիմնողներին, նրանց ազգակիցներին, կամ՝ այդ թաղում յայտնի դէմքերին, նահատակներին եւ անգամ վրացի երեւելիներին(1):

Ինչպէս գերեզմանատան, այնպէս էլ եկեղեցիները ու Ամենափրկիչ Վանքի շրջափակերում գտնուող տապանաքարերից, մասամբ օգտուել են մեր պատմաբաններն ու բանասէրները: Խոջա Նազարի եւ այլ վաճառականների տապանաքարերի տուեալներից օգտուել են Նոր Զուղայի պատմադիր Յարութիւն Տէր Յովհաննեսնցը ու բանասէր Յարութիւն Քիւրտեանը: Աշուղների, երգասացների, հոգեւորականների ու այլ տապանաքարերի տուեալներից օգտուել են Արամ Երեմեանը, տողերիս հեղինակը, ու այլ բանասէրներ:

Արհեստի ու արուեստի, եւ այլ նման կարգի տապանաքարերից շուրջ 140-ը վերարտանկարելով մանրանկարների է վերածել Արբաճամ Գուրգէնեանը, որոնք այսօր մաս են կազմում Նոր Զուղայի թանգարանի նկարներին:

Եկեղեցիների շրջափակում գտնուող տապանաքարերի մէջ, առանձնապէս իր կարեւոր տեղն ունի Ս. Ամենափրկիչ վանքը, որոնց մասին, ինչքան ծանօթ է մեզ, ցարդ ընդհանուր մի ուսումնասիրութիւն կատարուած չէ:

Յոյս ունեմ որ այլ առիթով հնարաւոր կը լինի անդրադառնալ նաեւ Նոր Զուղայի միւս եկեղեցիների մէջ գտնուող տապանաքարերին, որոնք եւս իրենց հերթին ունեն պատմական եւ ազգագրական արժէք:

Ամենափրկիչ Վանքի շրջափակում ներկայիս կան 62 տապանաքարեր, որոնց մէջ առանձին կարեւորութիւն են ներկայացնում Իրանա-Հնդկաստանի թեմի առաջնորդների շիրիմների արձանագրութիւնները:

1. Անցեալում, այս տապանաքարից՝ որոնք կրում են հայերէն ու վրացերէն արձանագրութիւններ, օգտուել է վրացի գիտնական Դոկտ. Մագալի Թուրուբադան:

Առաջնորդների տապանաքարերի, ինչպէս եւ միւսներից ոմանց արձանագրութիւնները բերուած են Նոր Զուղայի պատմութեան, ինչպէս եւ այլ մի քանի գրքերում, ու մամուլում տեղ գտած յօդուածներում: Միւսները մնում են գրեթէ անձանօթ:

Տապանաքարերը, ըստ իրենց արձանագրութեանց, կարելի է բաժանել երեք մասի.

- 1.— Հոգեւորականների,
- 2.— Աշխարհականների,
- 3.— Եւրոպացիների:

Այս երեք բաժիններն եւս ըստ էութեան բաժանուած են. հոգեւորականները՝ առաջնորդների եւ միաբանների, աշխարհականներն ու եւրոպացիները (գարձեալ աշխարհականներ)՝ կիների եւ այրերի, ինչպէս նաեւ՝ նահատակուածների ու սովորական մահացեալների:

Տապանաքարերը գտնուած են հետեւեալ մասերում.

- 1.— Եկեղեցու բեմի ներքնայարկում,
- 2.— Եկեղեցու գաւթում՝ հիւսիսային մուտքի մօտ,
- 3.— Զանգակատան շրջափակում, կամ՝ եկեղեցու արեւմտեան կողմում:

1.— Եկեղեցու բեմի ներքնայարկում գտնուած են երկու տապանաքարեր, որոնք պատկանում են երկու առաջնորդների: Զուղայի առաջին տպարանի հիմնադիր Սաչատուր Կեսարացուն, եւ Վանքի տաճարը վերակառուցող Դաւիթ Եպիսկոպոսին:

2.— Եկեղեցու գաւթում կան տասը տապանաքարեր, որոնցից ութը պատկանում են հոգեւորականների (վեց առաջնորդ եւ երկու միաբան), իսկ երկուսը՝ ռուս հիւպատոսներին:

3.— Զանգակատան շրջափակում գտնուած են 50 տապանաքարեր, որոնցից 14—ը՝ հոգեւորականների, 34—ը՝ աշխարհականների, եւ 2—ը առանց արձանագրութեան:

Բոլորի ընդհանուր պատկերն է՝ 24 հոգեւորական (11 առաջնորդ, 10 միաբան, 3 քահանայ), 36 աշխարհական (13 եւրոպացի, 5 կին), 2 անյայտ, գումար՝ 62:

Ստորեւ բերում ենք ամբողջական ցանկը, սկսելով եկեղեցու ներսից, տապանաքարերի հերթականութեամբ, ինչպէս որ նշանակուած են յատակագծում.

1. ԵԿԵՂԵՅՈՒ ՆԵՐՍՈՒՄ ԳՏՆՈՒՈՂ ՏԱՊԱՆԱՔԱՐԵՐ

ԱնՌին ԱԶԳԱՆՈՒՆ Պաշտօն
 Ծն. եւ մահուան Տապանաբարիք
 Թուական Համի սի.

1	Խաչատուր Վրդ. Կեսարացի	1590-1646	168×36	Առաջնորդ
2	Դավիթ Եպիսկոպոս	-1683	192×54	»
2. ԵԿԵՂԵՅՈՒ ԳԱԻԹՈՒՄ ԳՏՆՈՒՈՂ ՏԱՊԱՆԱՔԱՐԵՐ				
1	Եզնիկ Ծ. Վրդ. Երկարակեցեան	-1922		Հոգեւ. սպաննուած
2	Յովիաննէս Արքեպ. Սուրէնեան	1787-1848	158×46	Առաջնորդ
3	Յարութիւն Արքեպիսկոպոս	1751-1810	175×54	»
4	Ատուածատուր Եպիսկ. Ֆարիաբադցի	-1745	173×49	»
5	Թադէոս Արքեպոս. Բէգնազարեան	1795-1863	186×65	»
6	Միքայէլ Ծ. Վրդ. Սնկերոցի	-1805	119×50	Միքայան
7	Մովսէս Եպիսկոպոս	-1725	275×92	Առաջնորդ
8	Դավիթ (Բ.) Եպիսկոպոս	-1728	275×92	»
9	BORIS PREDBRAGENSKY (Բորիս Ալեքսանդրովիչ Պրեծբրաժենսկի)	1870-1914	152×47	Ռուս փոխ հիւպատոս
10	ALEXANDRE DEKAVER	-1815	136×46	»
3. ԶԱՆԳԱԿԱՍԱՆ ՇՐՋԱՓԱԿԻ ՏԱՊԱՆԱՔԱՐԵՐ				
1	Վարդան Աւ. Քինյ. Վարդանեան	1870-1956	158×60	Քահանայ
2	Գաբրիէն Աւ. Քինյ. Կիրակոսեան	1881-1946	159×70	»

3	կարպետ Ա. Գինյ. թումբիկեան	1868-1957	157×60	»
4	Ղուկաս Գալանքար որդի Մուսխատի *	-1835	116×55	Աշխարհական
5	Գալուց Տէր Յովհաննիսեան *	-1825	122×41	Աշխարհական
6	Մարալու դուտար Ամի Սարգսի *	-1712	182×52	Զուլայեցի
7	Աբրահամ վարդապետ	-1837	146×57	»
8	Նազար Աղա Խաղաբենց, որդի Խոջայ Սարխատի *	-1737	163×52	Միաբան
9	Գրիգոր Աղա որդի Խոջայ Մինասենց Մէք Աղի *	1699-1746	190×46	վաճառական
10	Մէք Աղա, որդի Խոջայ Մինասի *	-1712	204×46	
11	Ղազար (?) վարդապետ	-1791	150×44	Միաբան
12	Կարպետ Արմենյակոպոս	-1853	156×41	Առաջնորդ
13	Անդրեաս վրդ. Սարգսեան	-1855	125×42	Միաբան
14	Մկրտիչ Եպսկ. Թաւրիզցի (Ն. Զ. Թաղ)	-1787	160(?)×62	Առաջնորդ
15	Գէորգ վարդապետ (գրուքիւնը ջնջուած է)	1693-1768	185×62	»
16	(Արձանագրութիւն չունի)		160×45	
17	Ուսկէնց (?) Գրգիինի դուտար Եւ Տիկին Զախար-ունէնց Սափար Աղի	-1677	190×56	ժրջան տիկին
18	Գէորգ (?) (Լեզուաբան Եւ յայտնի վաճառական)		176×41	վաճառական
19	Մաքիամ Գէորգեան (բերես վերինի կիւնը)	-1710		
20	Գուչիկէ (?) Աղին (?)	-1727	100×49	

(*) Ատոյանիչ կրօյններ մտրմար տաղամաքարեր ունեն:

21	վարդան	-1793	104×49	վանքի մտանապետ
22	JOHN TAYLOR ESQ. M.D.	-1822	147×45	Բժիշկ, մեռած Շիրազ
23	JOHN A. DRFORD *	1850-1869	66×38	
24	GEO(RGE) MALCOLM ESQ.	1805-1826	114×36	Մեռած նագդ-խատում
25	CHARLES DARNLEY STUART	1805-1826	134×37	»
26	ANDREW JUKES ESQ. *	1778-1821	169×43	Պարսից ծոցի ֆաղա- ֆական գործակալ
27	STUART CUMMINC Mc DONALD	1867-1868	88×47	
28	FRED (RICK) W (ILLIA) M WADDELL *	1871-1871	80×46	(Միամեայ)
29	Գորգին (?) սպասուոր Թիֆլիզցի խոսրով կանի	-1823	157×56	Սպասուոր
30	CLAUDIUS JAMES	-1821	136×44	Մեռած Շիրազ
31	MAJOR ARTHUR (ST) OCK	1776-1831	102×40	
32	JOHSTANLE YHUGHES (TELEGR.)	1843-1871	91×41	Հեռագրիչ
33	Շահնագար Յովհաննես Թահմազեան Սարաբնցի	1842-1861	122×40	Նահատակուած
34	EVELINE GORDON BRUC(E) *	1872-1873	100×46	
35	Աւետիք Կ. Զօրաբանց	1842-1925	154×53	Հայկաբան վարժա- պետ եւ վանքի ատենադպիր
36	Յարէ (?) Բազեբքցի Ռեանի որդի	-1747	58×38	Նահատակ
37	Կատան դուստր Տէր Մարգարի	-1771	83×38	


38	Ղազար վարդապետ	-1814	116×32	Միաբան
39	Ստեփանոս վարդապետ Համադանցի	-1790(?)	130×40	»
40	Ստեփանոս վարդապետ	-1759	92×44	»
41	Վառվառե Գ. Քանաճեան	1845-1935	192×70	Հիմնադիր և բարե- բարուհի Գեորգ Քա- նաճեան դպրոցի, Ն. Ջ.
42	FREDRICK KNOX HARRIS H.B.M'S*	1889-1917	116×80	Փոխ հիւպատոս
43	CATHERINE MARY IRONSID M.D.	1872-1921	190×86	
44	Գեորգ եպիսկոպոս		180×48	Միաբան
45	Յովհաննէս եպիսկ. Էջմիածնեցի	-1817	200×54	Առաջնորդ
46	Խոջայ Յովհաննէս Մարգար Ծուէլէնց(2)	1610-1650	200×61	Բարերար
47	Մարիանէ Ջամալեանց	-1710(?)	194×42	Զանգակատան կա- ռուցողի մայրը
48	(Անընթեռնելի)		203×50	
49	Ռոստոմեան Էնախորիեանց	1822-1843	197×79	Նահատակուած
50	Մարգարե որդի Դիլաբէնց Ստեփանոսի	1675-1700	188×50	

2. Այս տաղանաբարը 1968 թ-ին բերուել է Ս. Յովհաննէս Ծուէլինց անուան բնիկեցուց:




Նկարի վերելում մի խաչքար, որ գտնուում է Խաչատուր Կե-
սարացու եւ Գաւիթ Եպիսկոպոսի շիրիմների մօտ: Ներքեւում՝ գոյգ
առաջնորդների տապանաքարերը:

Մանրանկար՝ ԱՔՐԱՀԱՄ ԳՈՒՐԳԷՆԵԱՆԻ



Վանքի գանգակատունը՝ շրջափակի տապանաբառերով

(Մայր տանքը)



Վանքի եկեղեցու գավիթը

Անցեալում՝ Վանքի զլխաւոր մուտքի զիմացի բաւում կային մի վրացու եւ մի քանի այլ տապանաքարեր, որոնք թերեւս բերուել էին աւերուած եկեղեցիներից եւ օգտագործուել գետինը սալալատակելու համար, որոնք վերջին տարիների նորոգութիւնների ժամանակ, մնացին խճաղիւսների տակ(3) :

Տապանաքարերի մի մասի արձանագրութիւններն ունեն բանաստեղծական ձեւ եւ հետաքրքիր բովանդակութիւն, որոնց բոլորի արձանագրութիւնները լաւ կը լինէր եթէ կարողանայինք բերել ալտար, բայց հանդէսի սուղ էջերը զբանցով զբաղեցնելը տեղին չգտնելով, ալտարի զրի ենք առնում մի քանի նմուշներ միայն, առաջնորդներին, աշխարհականներին եւ եւրոպացիներին վերաբերող տապանաքարերի արձանագրութիւններից :

1. ԽՍՁԱՏՈՒՐ ԿԵՍԱՐԱՑԻ

«Ի հանգստի աստ ամփոփի,
Մաքուր մարմին վարդապետի,
Խաչատրոյ Սրբագանի,
Հետեւողի Տեառն Յիսուսի,
Որ էր տեղաւ Կեսարացի.
Գործով սուրբ հեգ եւ արի,
Բարձեալ յուս զլուծ Քրիստոսի
Առաջնորդէ նորին հօտի,
Երեսնամեայ այս գործ յանձնի,
Սմա նստիլ յայտմ աթոռի,
Կրէ յանձնի զվարս անմարմնի,
Մնա մինչեւ յիսուն վեցի,
Յաղցաւորացս նա գատի,
Հազար Ղ (90) եւ Ե (5) թուի» :

2. ԴԱԻԹ ԱՌԱՋՆՈՐԴ

«Աստ կայ եղեալ գանձ ըզձալի,
Զնշխար ումեմն սրբագանի,

3. Սրանցից վրացիէնն ունէր հետեւեալ արձանագրութիւնը՝

«Տապան Թլփիզցի

Գ(ԱՍ(?))պարի որդի

Գօրէնց Մուրատիմ

ԹՎ. ՌՃԿԵ (1716)» :

Քաջ քարունոյ Տեանն Դաւթի,
 Շօշ քաղաքի գլուխ արհի,
 Որ էր սնեալ ի սոյն գեղջի,
 Բնիկ ազգաւ Զուղայիցի,
 Առաջնորդեաց յայսմ նահանգի,
 Լ (30) ամօք Ը (8) աւելի,
 ՌՃ (1100) հայոց ք-վի,
 ԼԲ (32) եւս աւելի (1683),
 Յորում ամս առ Տէր փոխի,
 Նոյեմբերի Դ (4)»(4) :

3. ՎԱՌՎԱՌԷ Գ. ՔԱՆԱՆԵԱՆ

«ՇԻՐԻՄ
 ԱԶՆՈՒԱՓԱՅԼ
 Տ. ՎԱՌՎԱՌԷ
 Գ. ՔԱՆԱՆԵԱՆԻ
 ՀԻՄՆԱԴՐԻ
 ԳԷՈՐԳ
 ՔԱՆԱՆԵԱՆ
 ԴՊՐՈՑԻ
 ՆՈՐ ԶՈՒՂԱՅՈՒ
 ՀԱՆԳ Ի 23 ԴԵԿՏ.
 1935 ԱՄԻ
 Ի ՀԱՍԱԿԻ
 90 ԱՄԱՑ» :

4. ՌՈՍՏՈՄԽԱՆ ԷՆԱԿՕԼՕՓԵԱՆՑ

«ՀԱՆԳԻՍՏ
 Պայագատ Ռոստովիանի
 Սամը Դօվլէ Սողոմոնիսանեան
 Էնակօլօփեանց
 Ի 17 Հոկտ. 1843
 Ի հասակի 21 ամաց,

4. Նոր Զուղայի պատմագիրը, տողերի սխալ ընթերցման հետեւանձնով տեղի է տուել սխալութիւնների, որը սրբագրում ենք այստեղ: (Տես՝ Յարութիւն Թ. Տէր Յովհաննեանց, Պատմութիւն Նոր Զուղայու որ յԱպազան, Բ. հտր., Նոր Զուղա, 1881, էջ 29) :

Ջերմ ի հաւատ Քրիստոսի,
Ատեաց զուր աշխարհի,
Արք զմահ լեալ նահատակ,
Թողով զօրհնեալ յիշատակ»(5) :

5. **JOHN TAYLOR**

SACRED TO THE MEMORY OF
JOHN TAYLOR ESQ. M.D.
OF THE BOMBAY MEDICAL
ESTABLISHMENT
WHO DEPARTED THIS LIFE
AT SHIRAZ THE 5 DEC. 1822
AND LIES HERE IN TERRED

6. **FREDRICK KNOX HARRIS**

SACRED
TO THE MEMORY OF
FREDRICK KNOX HARRIS
H.B.M.'S VICE CONSUL
AT ISFAHAN
BORN DECEMBER 21, 1889
DIED APRIL 20, 1917
.....
R. I. P.

7. **ԱԻԵՏԻՔ Կ. ԶՕՐԱԲԵԱՆՑ**


«Մահարձան
Յիշատակի
Պարոն
Աւետիքի Կ. Զօրաբեանց
Հայկարան Վարժապետին
Եւ բազմաշխատ

5. Ունի կապտագոյն մեծ տապանաւար, որի վրայ ագուցուած է փոքր մարմար եւ վրան գրուած արձանագրութիւնը: Քարի կողքերին ունի բարձրա-
ֆանդակ զինուորական շարքեր եւ դէմքը նուրբ շղարշով ծածկուած կնոջ եւ ձիա-
ւոր իշխանի ու հետեւորդների գեղեցիկ ֆանդակներ:

Ատենադպրի վանուցս
Որ ի հասակի 82 ամաց
Հանգեաւ 7 Յունվարի
1925



Հաւատարիմ պաշտօնեայդ,
Մայրավանիս փրկչական,
Զամս յիսուն ճգնեցար,
Յերկս քոյին պաշտաման,
Ի ծոց վանուցս ամփոփեալ,
Մարմնոյդ անիւն երկրաւոր,
Արժանապէս յարգեցաւ,
Անխոնջ վաստակդ բեղմնաւոր,
Գոյրովասիրտ ծնողիդ,
Տրտմեալ դստերքդ եւ որդիդ,
Ողբան զմահդ վշտալի,
Յոյժ սիրեցեալ հայրիկիդ»:



8. ԿԱՏԱՆ ՏԷՐ ՄԱՐԳԱՐԻ

«Այս է տապանս
Տէր Մարգարի դուստր
Կատանին
Թվն. շ՛ՅԶ (1771) Ադաբ. Ը (8)»:

Տապանաքարերից ոմանց գրութիւնը ոտքի տակ մաշուել կամ անձրեւի ու ձիւնի հետեւանքով կոտորտուել եւ դարձել են անընթեռնելի, նրանց արձանագրութեանց պահպանումով դէժ աշխատենք փրկել յաւիտենական կորուստից:

**THE TOMBSTONES IN THE COURTYARD OF
NEW JULFA'S ALL-SAVIOUR MONASTERY**

L.K. MINASSIAN

(Summary)

To this day, there exist in the courtyard of New Julfa's All-Saviour monastery 62 tombstones. Of these, 24 belong to clergymen (11 prelates, 10 friars, and 3 priests), 36 belong to laymen (of which 13 are Europeans: Russian and English proconsules, politicians, doctors, etc.), and two are unknown. The inscriptions on these tombstones are interesting and helpful for the study of the history of New Julfa between the 17th and 19th centuries. Of special significance are the inscriptions on the gravestones of the prelates of the Irano-Indian diocese.

(At the end of this article, the author presents eight of those inscriptions, including the one which belongs to Khachatour Kessaratsi (1590-1646), the founder of New Julfa's first printing press).